

而增注調平星度安鎮天綱五行無流逆之災三命息刑妨之厄固蒂深根而養壽懷珠抱玉以全生居之斯安動罔不吉均繁禧於眷屬茂純淑於門闈上願

國壽延洪帝圖悠久三邊不警九譯歸仁物類叶於泰通平安遂性重陰廓於豐照離苦起生願力難周恩光無盡上明天尊大慈之澤下副臣等皈命之誠謹啓以聞

十二願

復爐

謹攝香官使者左右龍虎君侍香諸靈官當令臣向來臨午行道之所自然生金液丹碧芝英百靈衆真交會在此香火爐前當願十方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝 御前

出堂頌 出戶

道門科範大全集卷之五十一

道門科範大全集卷之五十二

廣成先生杜光庭刑定

南北二斗同醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交泰 玉符寶節 嘯命微幽 擲火持威 奸凶無留 萬魔振伏 紛葩却消 摧怪滅惡 道炁周流 神光照夜 陰翳俱消 萬神降格 扇景乘廳 羣生咸遂 惠徧神州 與道合真 鳴法鼓二十四通

鳴法鼓二十四通

無上三天玄元始三炁太上道君太上老君 召出自身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓闔啓壇土地方域神真巨今靜夜行道謹奏為入意其諸情悃已錄告聞願得

太上十方至真道炁靈寶瑞光下降流入 身中令臣所啓速達徑御

太上無極大道

昊天玉皇上帝 御前

請稱法位

具位 且共與闔壇眾官同誠上啓

虛元自然元始天尊太上大道君太上老君 昊天玉皇上帝九皇上真十方已得道大聖 衆至真諸君丈人三十六部尊經玄中大法 師圓穹玄象日月星辰北斗尊帝七元輔弼 星君南極大帝丈人司馬六司星君本命元 辰洞天海嶽三界官屬一切真靈 伏聞玄 化流光列宿垂耀文昌上聖掌丹籙以注生 紫微高尊總玄都而布化三光五帝生育羣 材統御萬靈普鑒幽顯 謹為某家按依科 式虔立壇場崇設醮筵披露誠懇冥析玄象 延降真靈伏惟上聖眾尊垂慈降鑒分光迺 景采納丹誠 臣既奉情詞敢不上奏 宣詞 按如詞言良深懇切念以積生慶會獲遇明

時得觀仙科遂延靈聖伏儀注上備薰修  
仰冀不棄凡塵俯垂允納侍觴於紫微之上  
享饌於清夜之中瑞炁騰空真風臨席以今  
靜夜行道請法衆等運茲初檢上香  
願此香煙騰空徑上供養

太上三尊十方衆聖臣等皈身皈神皈命首  
體投地仰依

南宮六紀北斗七元以是功德皈流宗廟先  
聖杜稷尊靈伏願證品玉清垂休寶嗣克昌  
鳳曆永福洪基

今上皇帝德邁堯湯壽齊天地后妃嬪主光  
贊文明太子諸王輔成睿德九圍宗道咸臻  
清靜之風萬寓宅心共樂昇平之運今故燒  
香自皈依

道尊大聖衆至真之德得道之後昇入無形  
和與道合真

以今靜夜行道請法衆等運茲二檢上香  
願此香煙騰空徑上供養

太上尊經十方衆聖臣等皈身皈神皈命首  
體投地仰依

卷二

十四

南宮上聖北極衆真以是功德歸流某家九  
先七祖一切幽魂伏願洪澤滂流惠風遐扇  
宿瑕洗滌除北府之罪名積慶消平上南宮  
之生籍延祥介祉福及見存暨乎有識含情  
飛潛蠢動皆承恩澤悉遂人靈今故燒香自  
皈依

經尊大聖衆至真之德得道之後昇入無形  
和與道合真

以今靜夜行道請法衆等運茲三檢上香  
願此香煙騰空徑上供養

太上三師十方衆聖臣等皈身皈神皈命首  
體投地仰依

南宮六紀北斗七元以是功德歸流某伏願  
壽筭遐長災衰洗滌福祥臻集眷屬康寧家  
傳悻悻之風戶出謙恭之義凶魔遠竄善瑞

日臻宅宇鎮安龍神和輯三官進紀五帝儲  
休今故燒香自皈依

師尊大聖衆至真之德得道之後昇入無形  
和與道合真

唱方 懺方 三啓 三禮

卷二

十五

請稱法位

具位臣某與闔壇衆官等謹同誠上啓

虛无自然元始天尊太上大道君太上老君  
昊天玉皇上帝九皇上帝真十方已得道大聖  
衆至真諸君丈人三十六部尊經玄中大法

師圓宮玄象日月星辰北斗尊帝七元輔弼  
星君南極大帝丈人司馬六司星君本命元  
辰洞天海嶽三界官屬一切真靈臣聞三光  
麗天萬物荷無私之照五緯垂象羣生蒙覆  
載之恩所以南極注生北宮主死總領圖錄  
統較幽明粵自混茫至于今日紀綱不紊曆  
數無差上惟

帝王下該巨庶咸依主宰仰賴神休弟子其  
詞惻所陳已具敷奏自惟積慶叨荷玄功而  
六氣運神五帝演性負闕難固流迺易迷旋  
際福善之階日踐愆違之境或積生所構或  
今世所為罪書綴五帝之篇咎目鼓三官之  
筆未曾祈懺莫得蠲除又恐宿暉行藏交期  
所屬行年經歷厄會所臨或故殺誤傷深冤  
往債或繫心起念履惡為非上犯天元下違

坤德觸陰陽禁忌日月神明罪目惡緣無邊無量非憑懺謝莫遂原除伏聞南宮為陽德之司生成萬物北極為裁成之府主制羣靈生死吉凶咸歸統錄除災解厄實賴聖慈是敢披啓丹心皈依玄象虔伸熙祝上叩專靈布心於靜境之中露懇於清壇之下伏冀司命司錄六官垂憫濟之恩天輔天關七聖降慈悲之澤三雲命駕俯降塵寰八道疑光曲臨醮席命真僚而錫祐聞巨貺以延祥特為某上消天災下禳地禍除五星九宮八卦併沖之厄解五緯三元凶星暗曜之災十神免臨照之虞元命息刑妨之害宥宅神之譴責破鬼賊之憑凌六甲五行不罹衰敗支干官微無致衝妨剪妖魔蠱毒之侵傷絕惡鬼凶人之謀議三官玉帝之府訟速原消先亡近逝之魂考延解釋託廕七星之下儲祥六紀之司福善雲臻災凶霧散六情所犯三業所為萬咎千愆並蒙原貸神明護佑真炁降流保其微脆之姿克享堅剛之壽上明天尊大慈之澤下副臣等皈嚮之誠謹啓以

聞

十二願

復爐

謹攝香官使者左右龍虎君侍香諸靈官當令臣向來靜夜行道之所自然生金液丹碧

芝英百靈聚真交會在此香火爐前當願十方仙童玉女接侍蘭煙傳臣向來所啓之誠

連達徑御

至真無極大道

昊天玉皇上帝御前

出堂頌 出戶

道門科範大全集卷之五十二

道門科範大全集卷之五十三五十四同卷 啓四

廣成先生杜光庭制定

南北二斗同醮儀

設醮行道

法事醮壇如式

各禮師存念如法

宣衛靈呪

五星列照煥明五方 水星却災 木德致昌

熒惑消禍 太白辟兵 鎮星四據 家園利耳

名刊玉簡 字錄帝房 乘颺散景 飛騰太空

出入冥無 遊宴十方 五雲得蓋 招神攝風

役使萬靈 上衛仙翁 和與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧

香驛龍騎吏侍香金童傳言散花玉女五帝

直符直日香官合三十六人出出者嚴裝顯

服冠帶垂纓關啓玄壇土地方域神真巨今

設醮行道謹奉為入意其諸誠悃已錄告聞

願得